

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni Inatsisartut aallartitaasa siulittaasuata Josef Motzfeldtip aalajangiiffigisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 6/2011-mik, ataani allassimatut oqaasertalimmik, Inatsisartut tapersiinissaannik Inatsisartut aalajangiiffigisassaattut siunnersuut:

Nunani avannarlerni nipilersornikkut erinarsornikkullu ileqqutoqqat qulaajarniarlugit nunanullu avannarlernut killernut iluaqutaasumik taakkua iluanni ilinniagaqarnissamut periarfissat pillugit ataatsimiititsinissaq.

Tunngavilersuut:

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalackersuisunut kaammattuutigaat nipilersorneq erinarsornerlu pillugit ataatsimiinnermik aaqqissuusseqqullugit. Ataatsimiinnermut peqataassapput naalackersuinikkut aalajangiisartut, nipilersornermik erinarsornermillu ingerlataqartut kattuffiillu taakku soqutigisaqatigiiffii. Ataatsimiinnermi siunertarinqassaaq siullermik ileqqutoqqat taakku qulaajarneqarnissaat, taamatullu aamma qangali ileqqutoqqat ilisimasaqarfigilernerisigut ileqqutoqqat tamakku nunani pineqartuni pingasuni qanoq ineriartortinneqarsinnaanersut ataavartinneqarlutillu.

Nipilersornikkut erinarsornikkullu ileqqutoqqat nunat avannarliit killiit immikkuullarissusiinut ilaajuarsimapput. Ileqqutoqqat tamakku nunani ataasiakkaani innuttaasut kinaassusiinik kulturikkut puttatitseqataasimapput, sulilu innuttaasut kinaassutsiminnik paasinnittarnerannut, isummaminnik ersersiteriaasiannut napatitseqataapput kulturikkullu piginnaasaannut ilaalluinnarlutik qaangerneqarsinnaanngitsut.

Taamaattumik nunat avannarliit killiit soqutigisaraat qangaaniilli nipilersornikkut erinarsornikkullu ileqquliussatta sulilu uummaarilluartut paasineqarnerunissaat ataqqineqarnerunissaallu siunertaralugu ileqqutoqqanik taakkuninnga paasissutissatut allaaserinninnissaq paasissutissanillu paarlaasseqatigiittarnissap qularnaarneqarnissaa.

Nunani avannarlerni killerni kulturikkut suleqatigiinnerup ineriartornerata ilaatut pissusissamisoortut taamaattumik aamma nipilersoriaatsinik erinarsoriaatsinillu eqqumiitsuliornernullu taakkununnga atasunik nunani peqataasuni pingasuni nassaassaasunik paarlaasseqatigiittarnissaq ilaatinneqartariaqarpoq. Nunani avannarlerni killerni innuttaasut ikittunguupput siamasissunillu najugaqartiterlutik, taamaattumillu najugaqarfiit tamarmik kissaataat naammassillugit sumi tamani nipilersornermik erinarsornermillu ilinniartitsisoqarsinnaanani. Taamaattumik aamma ataatsimiinnermi ilinniartitaanikkut periarfissat amigaataasut qanoq iliorluni aaqinneqarsinnaanerinut suleqatigiissutigineqarsinnaanerinullu siunnersuusiorfusariaqarpoq.

Taamaalilluni tamatigoortumik nunani avannarlerni killerni nipilersornikkut erinarsornikkullu ileqqutoqqat pillugit ataatsimiititsinikkut tunngavissiisoqarsinnaavoq taakkunatigut

ineriartortitseqqinnissamut, ileqqutoqqat attatiinnarneqarnissaat kisiat siunertarinagu, kisiannili aamma taakku ataqqillugit qularnaarniarlugu kinguaassatta aamma taakku tunngavigalugit pissusissamisoortumik ineriartortitseqqissinnaanissaat.

Tamatumunnga tunngavissatut nunat pineqartut ataatsimut ilisimasaqalersinnaapput nunani avannarlerni killerni pingasuni sunik periarfissaqarneranik qanganilli ileqqutoqqat attatiinnarneqarnissaannut.

Nunat Avannarliit Killiit Siunnersuisoqatigiiffiata taamaattumik nunani avannarlerni killerni naalakkersuisut pingasuusut kaammattorpai nipilersorneq erinarsornerlu pillugit ataatsimiinnermik aaqqissuusseqqullugit. Ataatsimiinneq Nunat Avannarliit Killiit Siunnersuisoqatigiiffiata aalajangersimasumik qulequtaqarluni ataatsimiinneranut atatillugu ingerlanneqarsinnaavoq, nunani pingasuni naalakkersuisunit Nunat Avannarliit Killiit Siunnersuisoqatigiiffiat suleqatigalugu aaqqissuunneqarluni.

Nunat tamarmik ataatsimeersuarnermut 50.000 kr.-inik aningaasartuuteqarnissaat siunnersuutigineqarpoq.